

Набий алайҳиссаломнинг умматга хитоблари | Ҳадис дарслари (273-дарс)

Ҳадис
ДАРСЛАРИ

273-ДАРС

Шайх Муҳаммад Содиқ Муҳаммад Юсуф роҳимаҳуллоҳнинг «Ҳадис ва ҳаёт» туркум китоби асосида бериб борилади. Мавзуларнинг тўлиқ матни билан танишиш учун китобнинг ўзига мурожаат қилиш тавсия этилади.



19:00 / 13 март 1651

هُنَعُ هَلْ لَّا يَضَرَّ ءَمَامُ أَيُّ بَأْ نَع
هَلْ لَّا لُؤْسَرُ تُعَمَّسَ : لَأَق
مَّ لَسَّ وَهَيْلَعُ هَلْ لَّا يُّلَّصَّ
عَادُولًا ءَجَّحَ يَفُ بَطُخِي
أُولَ صَو ، هَلْ لَّا أُوْقَّتَا : لَأَقَف
مُّكْرَهَشَ أَوْمُؤُصَو ، مُكَّسَمَخ
أُوْعِي طَأَو ، مُكِّلِ أَوْمَأَ ءَاكَزَ أُوْدَأَو

مُكِّبَرَةٌ نَجِ اُولُحَدَاتٍ مُكْرَمًا اذ

Абу Умома розияллоҳу анҳудан ривоят қилинади:

«Расулуллоҳ соллаллоҳу алайҳи васалламнинг видолашув ҳажида хутба қилиб:

«Аллоҳга тақво қилинглари. Беш (вақт намоз)ингизни ўқинглари, (Рамазон) ойингиз(нинг рўзаси)ни тутинглари, молларингизнинг закотини беринглари ва ишбошингизга итоат этинглари, Роббингизнинг жаннатига кирурсиз», деганларини эшитдим».

Шарҳ: Маълумки, видолашув ҳажи Пайғамбаримиз соллаллоҳу алайҳи васаллам умрларининг охирида бўлган. Ўша ҳажда у зот ҳамма билан видолашганлар, **«Эҳтимол, бу йилдан кейин сиз билан учрашмасман»**, деганлар.

Дарҳақиқат, Расули акрам соллаллоҳу алайҳи васаллам ўша ҳаждан кейин вафот этдилар. У зот ана шу видолашув ҳажида кўплаб пурмаъно ваъз-насиҳат, хутба ва васиятлар қилганлар. Ушбу ҳадисда ҳам улардан айримлари айтилмоқда.

Пайғамбаримиз соллаллоҳу алайҳи васаллам умматларига хитоб этиб:

«Аллоҳга тақво қилинглари»;

«Беш (вақт намоз)ингизни ўқинглари»;

«(Рамазон) ойингиз(нинг рўзаси)ни тутинглари»;

«Молларингизнинг закотини беринглари»;

«Ишбошингизга итоат қилинглари»;

«Роббингизнинг жаннатига кирурсиз» дедилар.

Инсоннинг жаннатга кириши учун адо этиши зарур саналган ана ўша нарсалар ичида намознинг биринчи бўлиб зикр қилиниши унинг қанчалик аҳамиятли ибодат эканлигини кўрсатмоқда.

«Ҳадис ва ҳаёт» китобининг 4-жузи асосида тайёрланди.